

尹文端公詩集

尹文端公詩集卷第六

章佳尹繼善元

和袁子才新春見贈

桃源咫尺謫仙人春浪初生遞錦鱗  
爆竹聲中消短鬢梅花香裏著閒身  
雲歸野岫光何淡雪霽平林景更新  
每有詩成先寄我老來筆墨轉相親

余為子才題小樓霞額後書隨園太史昨來札云  
太史之名似是而非請更舊史二字慨然有作

蓬島以遊弱冠餘風塵十載入山廬  
頭銜縱換成仙吏

香案叩頭號秘書三字額懸花正放一園春滿日將舒  
白雲深處扶筇好莫道蒼髯不似初子才有鐫鬚之作故云

贈將軍福松巖

江上重逢慰渴腸同舟喜駐水雲鄉廿年踪跡隨蓬轉  
兩世交情入夢長笑我白頭聯舊雨感君青鬢點新霜  
寒宵剪燭殷勤話每動歸鞭月滿廊

宦遊宇內譽聲馳任畀東南荷

主知白下山光輝劍珮京江春色擁旌旗沙堤接武期  
他日鈴閣輕裘羨此時莫說將軍不好武公餘興到始

裁詩

氣味如春望藹然金蘭雅誼倍纏綿自慚駑鈍辜良驥

昨承惠良馬

為助風情贈簡編

余贈舊刻斯文精華

學射待從殘照裏

聯吟好趁落花前天涯久客多寥寂喜得知心數往還  
使節遙從海上来告余往事尚低徊草枯紫塞秋園壯

雪壓千山霽景開過眼韶光勞夢想尋芳雅會擬追陪

棲霞峯畔邀公去春雨桃花共舉杯

棲霞有春雨山房桃花潤

和素子才晚歸即事

紅塵亦有煙霞想咫尺仙源夢來往嶺畔梅花欲吐春

春光殢婉何時訪獨坐衙齋客到希雲中忽見雙鳬飛  
歡迎堦下扶筇竹共影西窗寒剪燭評時論古聲琅琅  
滴露研朱試印章話到玉堂年少事頻嗟綠鬢變新霜  
羨君古捲長河水迴環浩蕩波瀾起還須降氣歛英華  
毀譽紛投屬才子師弟情深忘主賓相規相勗古風存  
漏傳小閣三更永花映重簾一夕親燈火送歸天欲曙  
無心出岫無心去東山猿鶴慣迎人殘月如弓挂高樹  
懸知得句貯奚囊酒滿清樽雲滿裳自鎖一園春正好  
不勞漁父問行藏

春日同松巖福將軍彤庭五都統往遊攝山仍用

贈松巖韻

勝蹟何緣結寸腸公餘聯轡出江鄉  
迎眸春色平蕪遠負郭松陰十里長  
喜趁芳辰攜蠟屐憶看落葉咏楓霜  
去秋曾看紅葉元戎小隊穿林轉遙指琳宮日滿廊

馬上逡巡心已馳嶺雲如迓舊相知  
晴原花滿調鶯語野店風和暢酒旗修禊幾經虛  
上巳踏青那可負良時無邊煙景披圖畫  
纔接山容便索詩

疊嶂層巒望蔚然天桃破頰柳飛綿  
迴闌幾曲過仙島

麗藻千  
仰

玉編繞砌泉流青藹外隔林人嘯翠微前宵來細雨能  
留客信宿僧房未有還

僻地誰能數往來斜陽欲別復徘徊窻臨疊浪濤聲冷  
岸接長江帆影開暫脫塵緣聊小憇待逢雅會擬重陪  
西園也有湖山意好坐濃陰一把杯

署內小園亭榭將成有看花之約

松巖將有京江之行予挽留半日冒雨登山即疊  
前韻再賦用定後期

無限雲山鎖肺腸紅塵咫尺接仙鄉平原草綠風初暖

古寺陰深日漸長把酒正當花似錦探春不管鬢成霜  
漫因磴滑遊情減策杖相招繞曲廊

頻驚歲月似星馳聚散無端那得知烟霧千層遮遠岫  
松筠幾度擁牙旗難逢髻齒重來日最惜春光半去時  
到處鴻泥留指爪斜風細雨又題詩

奇峯一望一欣然再欲攀躋力已綿暫引清機消俗慮  
期添好句入新編茶烹近水方亭上人坐環堵老樹前  
擬動歸鞭仍繫馬鐘聲斷續暮鴉還

過眼浮雲去復來廿年往事重低徊宦餘晚景情彌淡



笑對知心口更開異日重遊還有約當時舊侶幾相陪  
休忘促膝層巖畔點點殘紅落酒杯

遊山雨後和松巖見贈

無邊翠色映遙岑靜聽幽林響梵音幾片花飛留客雨  
一尊酒盡送春心看山得句詩新舊剪燭聯床夜淺深  
莫厭泥痕雙屐滿朝來有興尚重尋

春日過松巖愛蘭小齋銜杯話舊用壁間韻

官閣西偏靜似村情深促膝傍黃昏羨君瀟洒兼風雅  
六代江山八品論

話到房山舊有村白雲縹緲暮烟昏我家遼海三千里  
回首松楸不忍論

春光三月滿江村霧裡看花眼漸昏梅已開殘桃杏好  
就中消息共誰論

鈕鈞錄氏烈女詩

青陵臺上鳴鴛鴦清風嶺上飛嚴霜女兒祥符年甫笄  
柏舟一誓追共姜輕車都尉巴公子生來弱不勝羅綺  
花咏桃夭僅一年雪壓瓊枝終不起新婦入門無舅姑  
捧匭沃盥侍金夫將身求代青天遠視藥溫涼夜月孤

一朝郎去夜臺寒膝下嬌啼女亦殘既少遺孤堪畫荻  
又無堂上可承歡人言夫死妾難從妾道郎行且待儂  
黃泉不比關山遠只隔陰陽路一重不剪雲鬟服不變  
與郎暫別旋相見戚里遺將髻上釵侍兒分與粧臺線  
要使郎知死後心不教妾改生前面旁人勸罷盡淒其  
苦節分明皎月知百年大義從容日三尺紅羅宛轉時  
聖朝彤管播徽音

紫誥鸞書獎更深誰將磨筭山前石鐫作張華女史箴  
已如春予新葺小園頗有湖山之意陳光岳贈詩

六章依韻和答

天然結構即文章每入芳園引興長  
聊架數椽依碧沼別開生面傍西墻  
峯巒聳髻螺初見松竹交枝友亦良  
不讓棲霞誇絕勝又從亭畔起迴廊

春歸漫問幾時還四度來遊鬢已斑  
信手栽花隨意看多年養樹待誰攀  
神怡流水行雲外身寄濃陰積翠間  
擬趁芳晨同把酒懷人不禁淚潸潸

時孫范亭去世

多方經畫屢圖新竟忘權時作主人  
邱壑乍開三前景韶光已占十分春  
迴環如意疑名畫變幻無端感夙因

澍雨初過池漸滿臨流似坐暮江濱

好我時時握手過暢觀到處是巖阿雙飛乳燕穿簾早  
百轉流鶯隔院多草有何情資長養山因得勢盡嵯峨  
閒來散步垂楊裏絮點輕衫氣正和

安堵生民愧乏才偶因小築重低徊不遺片石殷勤置  
最愛名葩次第開淺水停橈登畫舫平原縱目見荒臺  
就中消息誰能解喜共知心日往來

廿季宦跡類飄蓬歷遍天涯西復東創得湖山聊寓意  
比來面目可相同自扶短杖迎新月頻聽高歌唱好風

老圃誰云生趣少  
晚香時節更青葱

和袁子才遊新葺西園見贈韻

斜照映紅霞  
陰濃放柳衙  
山凝環几翠  
風颺隔簾花  
大  
厦慚無補  
芳園詎足誇  
梁間雙燕子  
不認是誰家  
亭臺猶似昨  
轉眼景全更  
石磴含雲氣  
蕉牕帶雨聲  
松  
青鱗半老波  
漲鏡初明  
頗有才人意  
文無一筆平

老去詩情減  
相思有和章  
幽懷耽水石  
農事念蠶桑  
竹  
影迴廊靜  
鶯啼午夢長  
栽花還意懶  
幾度問新秧  
叢君生計好  
高卧自年季  
宦海渾無岸  
桃源別有天  
琴

書消永日雲物入新篇笑我舟難繫空留客舍傳

用前韻寄懷松巖將軍

小院映朱霞臨風坐晚衙  
笈攀烟外柳老看霧中花  
時望軒車過難教俗眼誇  
他山石可借半是別人家

去住原無定頻嗟景物更  
峯攢千萬點鶯弄雨三聲  
亭小胸彌濶窓虛眼倍明  
簾前生意滿綠草與階平

卜築從平地真成急就章  
聊為新結構也算小滄桑  
時

石成山池  
中水涸

風過浮雲散陰濃夏日長  
江榴紅似火可勝

稻畦秧

話到西園樹摩挲感昔年為酬良友句時對夕陽天消  
暑花前茗怡情池上篇朝來相憶否莫吝錦箋傳

學使劉崇如於壽州道中見擔頭三鶴解縛攜歸  
置清風碧雲二亭間為之寫真以供清賞即愛物  
之心寓憐才之意賦詩見寄依韻奉和

浹旬膏雨徧棠陰驛路微涼暑不侵忽見胎禽攜野老  
肯遺焦尾負初心樊籠入後羈縻苦文苑招來愛養深  
邂逅一時邀盼睐清標豈復戀江潯

買鶴殷勤費杖頭羽毛從此異羣流水天自覺青霄近



粉署還疑碧磧幽  
顧影何曾邀俗賞  
遭時原不藉人謀  
暫依池畔雙亭好  
佇看乘風萬里遊

飲啄雙雙自不孤  
仙姿端合住蓬壺  
聲清豈屑調鶯語  
翩健旋應引鳳雛  
放鶴高風傳舊記  
伴琴雅事繪新圖  
閒時徙倚斜陽裏  
可為離羣相憶無

不繫舟邊射圃旁  
疏泉疊石勢低昂  
眠鷗對我塵機息  
倦鳥投林月影涼  
念到良朋頻悵悵  
傳來好句倍珍藏  
詩中更有翩躚意  
惹得江雲入夢長

賦贈玉峯白宮保兼以送別並柬裘少農海閣學

河上追陪不計年每逢話舊一悽然  
更番此地為賓主  
又向船窗對月眠

老來事事望平安去路風恬水面寬  
疊唱新歌還有意  
雙魚好寄故人看

細雨同舟憶昨年重來花鳥亦欣然  
揚帆轉眼仍千里  
何處冰輪照客眠

此二首東  
表海兩君

蒨屋咸登衽席安

恩波一似海天寬溝塍處處黃雲滿  
四牡經過仔細看

草亭觀荷

池上長吟憶昔年，銜杯小集意悠然。  
笑人不比閒鷗好，菡萏香中傍水眠。

浪打船頭寢不安，招尋眼界一時寬。  
却因送客閒情減，空有名花草草看。

和裘叔度少農彭城見寄

白髮相憐復幾人，芳菲記看上林春。  
雲山有夢常千里，花柳何心付一嚬。  
畧迹論交情自久，忘年握手老彌親。  
荷香池畔方亭上，把酒追陪月色新。

憶從素浦送行旌，一棹秋風落日情。  
四野纔看新稻熟，

長堤喜見碧波平，星臨白下光重朗。詩咏黃茆句又成。  
昨以黃茆  
岡詩見寄寧獨菁莪沾化雨，沿村童叟亦歡迎。

疊前韻

又作彭城道上人，風光可似去年春。青山簇簇供吟咏，  
野老嘻嘻望笑嚔。感物自憐秋色早，談心終覺故交親。  
殷勤魚雁傳書至，恰值遙天霽景新。

江花江草映雙旌，知己相關無限情。勝蹟登臨思舊日，  
前典試南來曾有  
滁山唱和之作萍踪聚散感生平。幾番雅會緣非偶，

一曲高歌和未成。更有棲霞招遠客，峯巒如黛解逢迎。

學使劉崇如所得三鶴忽失其一復賦四章

胎禽攜傍碧雲陰世上塵氛未許侵  
纔喜蹁躚來瘦影忽從寥廓動遐心  
養成羽翮三秋健借托煙林一載深  
也似鵬飛萬里去不甘寄跡此江潯

幾見梳翎碧沼頭一聲清喚別羣流  
海天自覺乘風杳竹塢曾經對月幽  
鵷鷺縱多誰作侶稻粱雖好莫輕謀  
不知亭畔雙棲者可羨翱翔得意遊

偶落人寰品自孤應同仙侶近方壺  
青松挿漢堪尋壘老鶴鳴陰免憶雛  
回念塵緣生舊感但登雲路便南圖

清風兩腋飄然逝也似臨臯入夢無  
獨憐玉立小庭旁為惜離羣首尚昂  
雲外飛鳴何繫戀  
花間飲啄久淒涼莫移雪爪還重印  
好避樊籠自穩藏  
辜負主人相愛意幾回翹望暮天長

中秋後一日招袁子才西園小酌和韻

中秋何處醉芳筵遊屐遲歸節後天  
喜得冰蟾還在眼  
好將詩酒補團圓

邇來塵思正紛紛豁我襟懷賴有君  
幾度招呼人始到  
芒鞋踏破晚山雲

林泉相望路非遙莫厭談心坐永宵老去秋光堪愛惜  
紅蓮綠柳半蕭條

香颺桂子滿深閨何事仙郎夜不回處處山花都望雨  
朝雲纔過暮雲催

秋日與袁子才不繫舟話舊用子才韻

秋風吹我不繫舟舟中明月足消愁昔日同舟今漸少  
明月秋風人易老旌麾四度指東南又向舟邊暫駐驂  
浮雲來去渾無定小劫華嚴若個叅手植寒梅剩一枝  
獨依巖畔雨絲絲香清骨瘦無人賞勁竹蒼松是故知

偶為花開一把酒偶因客至一裁詩詩惟子才稱豪霸  
直同屈宋爭高下黃塵更傍戟門多珍重雙鳬不輕跨  
自甘僻處樂農桑倚枕高樓望遠江百道流泉飛活水  
千林紅葉點新霜手彈古調琴三疊目送遙天雁一行  
若問山中有底事朝朝只為種花忙眠鷗倦鳥皆朋族  
嫩蕊奇葩排滿屋只覺閒中歲月寬不知塵世光陰速  
與君心跡喜雙清話舊論文無限情轉眼星軺江外去  
可有長歌贈遠行

題福將軍留京得鹿圖



何處風光最繫思  
邊山秋草任驅馳  
天寒曉霽圍初合  
想見岡頭立馬時

翠羽雕鞍映日新  
長林搏獸逐飛塵  
那知百步穿楊手  
却是輕裘緩帶人

右揅鵬翎左佩弓  
我曾射獵到遼東  
老來見此心猶喜  
無數寒山入夢中

論文講武總欣然  
時聽清歌細柳前  
倘得熊羆添畫軸  
再將好事寫雲箋

重陽日偕裘叔度少司農錢璵沙掌科同遊攝山

即用璵沙題松巖將軍得鹿圖韻

芳春曾記詠垂楊却愛秋林景更强此日招攜同眺覽  
霜天殘菊尚餘香

笑口時開敘舊情不因亦落客心驚曠觀亭外峯千疊  
誰道人工點綴成

空山寂靜漏聲遲坐到踈窗月上時老去肯教清興減  
也搔短髮一題詩

面面層巒展畫圖全憑好句細描摹停杯笑問蓬瀛客  
三島風光得似無

和錢掌科同遊攝山韻

從容仙珮自蓬萊  
合向珠宮一往來  
纔喜梗楠皆手植  
又看錦繡出心裁  
公餘賸有遊山屐  
興到慚無作賦才  
半日追陪探不盡  
更尋幽僻倚巖隈

蒼崖翠壁總紛綸  
濡筆山窗為寫真  
節到重陽偏帶雨  
花明古洞似回春  
霜林萬點飛紅葉  
佛像千層見化身  
處處登臨留好句  
六朝舊蹟一時新

江上青峯喜共躋  
仙樓縹緲望中迷  
松當曲逕遮幽寺  
浪疊懸崖入別溪  
老尚登高聊載酒  
倦偏學步不扶藜

回頭笑指紅塵路身在凌霄紫閣西  
行騶暫駐掩松闕剪燭良霄野興閒漫挹清風吟落月  
獨憐白髮對青山橫空雁影三更斷到枕鐘聲萬慮刪  
此去燕臺相憶否五雲深處再追攀

予將入

覲袁子才賦詩贈行和韻留別

我將北上覲

楓宸君在江干理釣綸卧病不嫌高士懶言歸便覺故  
山親追思往事成前夢再唱驪歌剩幾人

丁卯歲入  
覲子才曾

賦詩送行去路何愁紅葉冷風光已近小陽春

每賦逍遙繫白駒論文把酒趣公餘曾尋勝蹟同攜手  
記過蓬門一駐車秋老空山花落後人登古道月明初  
寧因小別吟情減行色匆匆又寄書

疊前韻

數載依依戀

紫宸敢希逾格荷

溫綸揚帆漸覺湖山遠握手難圖笑語親離合關情惟  
舊雨炎涼無分到閒人石頭城外西風裏誰為長吟盼

好春

前番送行詩有天  
邊還有再來春句

韶光過隙感如駒去住南邦廿載餘自笑途長嘶倦馬  
漫云路熟駕輕車蒹葭正值凝霜日場圃纔看納稼初  
那有嘉謨登

奏草茅簷疾苦不勝書

龍潭道上懷松巖將軍寄詩留別

纔整行裝覲

紫宸聞君移節荷

恩綸交因世好情偏篤路到分歧意倍親宦海重逢原

有日白頭相愛更何人揚帆佇看雲山杳腸斷梅花嶺  
上春

年來最怕唱驪駒況是知心甘載餘老眼秋風同洒淚  
楓林野館一停車人分南浦魂消後詩咏寒江月上初  
極目蕭條離緒滿挑燈聊寄道中書

予自金陵入

覲曹西有賦詩送行途中漫和

名言莫罄

主恩深午夜依依結寸忱旌節頻移南國夢鄉山在望

老年心回思往事，情難寫，欲唱驪歌興懶吟。此去鷓鴣班，逢舊侶，應憐髮短不勝簪。

西園聚首幾年餘，契好仍同見面初。纔聽高歌悲落葉，西有秋闈下第又吟古調送行車。飛鴻印爪原無定，野鶴幽棲總自如。小有山邊相憶否，半窓斜月滿床書。

介少宗伯自浙典試回京，江干喜晤，即用遊攝山韻賦贈。

人間何處是蓬萊，使節方從湖上來。桃李爭迎新畫舫，鬚眉未改舊丰裁。看山已遍留佳句，報



國還多得雋才何幸江干重握手夕陽同泊荻蘆隈  
邇來意緒正紛綸廿載交情自有真笑我鬢髮頭似雪  
羨君和藹氣如春銜盃猶剩花經眼話舊渾忘月滿身  
愛喜歸裝添雅事林壑無數畫圖新

棲霞曾記共攀躋回首仙源路不迷石疊千層渾似浪

攝山有  
疊浪崖

泉流幾曲自成溪當年小憇尋幽寺何日重登

仗短藜堪嘆鴻飛留指爪去來那復計東西

丙子少宗  
伯典試江

南同遊攝山  
有詩唱和

寒風鼓棹度江關應接曾無片刻閒北去征帆遲暮雨

夜來枕夢憶鄉山吟哦有興急難就笑語多情老未刪  
此日楓林紅似錦蜀岡何計一留攀

擬遊平山堂未果

邵伯阻風偶得湖蟹分贈湯道長賦詩致謝即和  
來韻

漫嫌湖畔阻風濤尺素頻煩豈易遭暮雨舟橫依野戍  
寒汀水落見霜螯持來誰共吟殘菊分贈還應醉濁醪  
且喜蓬窓閒永日幾忘堤外是勞勞

玉峯白宮保奏請入覲荷蒙

聖恩以老年正當靜養以圖長久報効

溫旨慰存臣工聞之無不感泣因過江浦賦贈二章兼  
以留別

鏡裏時添白髮新暫停述職荷

溫綸素知枕夢依

丹闕誰識

天心恤老臣節鉞頻膺逾廿載宣防永賴更何人安瀾  
已奏難安枕愛國還應愛此身

驛路林開霽色新自

天恩命仰如綸

時予奉命入覲

久離鳳宸思仙侶又近

龍光作侍臣落葉秋風傾別酒亂山斜日送行人幾番  
來去渾無定笑指浮雲似我身

袁浦渡河星夜遄征途次宿遷有懷介野園仍用  
前韻

暫隔紅塵又幾程濟川未得彩航并楓林落葉途中景  
旅館新詩別後情雁影漸隨斜日遠馬蹄獨趁曉風輕  
行踪莫悵分岐去中道由來更坦平

時分路由  
兗州北上

怒吼西風捲白濤扁舟夜半記同遭湖山到處留鴻爪  
興味何心憶蟹螯老愧輕車馳舊路醉吟好句勝香醪

同聲唱和緣非偶郵寄頻頻莫憚勞

將至都門於蘆溝道上口占寄岳蕉園

別來轉瞬又三年兩地相思悵遠天不日知心重握手  
燕臺入望已欣然

殘書幾卷伴晨昏往事追思不可論瀟灑襟期依舊否

記吟日落掩衡門

前寄懷詩有衡門日落掩西山句

聞擲漁竿賣釣舟閒來何事足消愁蜀山秦隴曾經眼  
好寫林巒作卧遊

人似行雲自往回老偏離合最牽懷正當陋巷風寒日

踏雪敲門客又來

舊贈詩云人來陋巷敲門日雪滿文園病渴時

平定回部詩

有序

臣聞聖人之心通乎天者也天之所啓則先天而應之  
天之所錫則後天而承之是以超邁萬古之盛烈必待  
超邁萬古之聖人此其事固不可以常理測而其理亦  
非可以常慮叅矣我

皇上秉濟哲之德宏格被之猷

睿慮所通存神過化

聖謨所運兼容并包其有事於西陲原非本意也祇因

準夷篡竊相尋以致各部內訌款關接踵

皇上念新附之衆在

天朝撫馭大體既不可却而不納然處之邊圉又恐貽  
喀爾喀憂其勢不得不經理游牧用其土地以置其室  
家于是

命將選徒犁庭掃穴期于奠安羣生永除後患而畏難  
苟安者泥於得其人不足臣得其地不足守之迂言議  
論紛如徒濟淆惑及伊犁既定而回部之和卓木兄弟  
背恩反噬恃固負隅任事者柔懦無能致令乘間逃竄

議者又莫不以費餉勞師深入險遠疑於斯事之終難  
底績我

皇上夙夜運籌

乾剛獨斷總以大小和卓木不能就擒則準噶爾之事  
不能告竣而西陲之邊計終有隱憂是以不惑於衆論  
不動於浮言

廟算周詳多方指示斷不肯廢于半途以致功虧一簣  
然其事之能成與否成功之迅速與否原未可以逆料  
也乃廣運者不啻萬里經營者甫及五年而巨魁投首



夷部全平露布星馳佳音疊報內外大小臣工莫不驚喜交深歡呼雷動稽首而獻頌曰大哉

聖人弗可測矣我

皇上兢業存心持盈垂誠召諸臣而諭之曰此天也非人也臣跪聆之下竊以為

聖人一

天也

天人感應之理一誠也一舉而定伊犁再舉而定回部自事後觀之似覺從心所欲不知進剿以來事會轉移

機宜變化幾費

大造之苦心是

聖人之與

天合德而

天因之啓佑

聖人

天啟佑

聖人而

聖人又能順承

天意

天與

聖人豈有間焉古人有言愚者闇成事智者燭未形又曰非常之原黎民懼焉夫亦為建立事功者大凡言之耳若其創開闢以來未有之烈樹開闢以來未有之勲則當謀事之始中智而下鮮不震焉大抵尋常之人其去

天與

聖也遠甚則彼疑於前而悟於後固無足論

皇上方且凜時幾勤宵旰時時以敬

天為心事事以信

天為本從此受

天祐迓

天庥我

大清於萬斯年無疆之福正未可量矣臣身蒙

恩遇備位封疆始于西師之後竊以事機繁鉅道里艱

險未免人云亦云屬以入覲來京近

天子之光日侍

禁庭數承

訓誨乃獲發其聾瞶啟其愚蒙而後知

聖心之默契乎

天與

天之眷佑

聖人者實非尋常意見所能測其萬一茲幸恭逢  
盛典陪列班行敬效颺言用附饒歌鼓吹之末焉  
國家邅治超千古文德覃敷通九土久樂天山斥堠銷  
羣欽

王會共球溥象齒文禽貢異邦河湟列部樂耕耨共知  
絕域來歸義不俟新城築受降準夷盤踞居邈鄙原似  
長蛇與封豕雷霆久已疾凶頑雨露仍還容醜類一朝  
遺孽互相殘遂使羣羌款玉關安置正煩抒遠策何期  
天意滅呼韓安邊綏遠咨名將鞠旅陳師開玉帳銳卒  
還分宿衛兵材官並給雲臺仗撻金伐鼓出金河左右  
蕃王納款多雪夜銜枚擒頡利秋風傳箭定蓬婆野心  
狼子來趨

覲異姓封王

恩禮進本命從軍仰國威旋聞負德成邊釁大軍重進  
定伊犁烽火遙通瀚海西布露封章陳寶賈宛王重譯  
進霜蹄部落聞風爭奉職游魂逋竄思逃匿方  
命寧能免上刑辜

恩竟見遭天殛回部么膺厯

紫宸遙傳尺一賁

恩綸不教異地長囚繫使領羣酋作外臣何圖小醜忘  
榮寵跳踉反噬恣呼洵自恃遐荒控馭難誰知討逆  
聲靈重更咨大帥出居延驛騎颺馳

勝算宣遂鏖名城收滴博更教別隊下先零庫車諸堡  
從風靡豈有當車容鼠技進勦還摧阿克蘇長驅復破  
伊西洱逆酋遠遁挈妻孥喘息潛踪倖免誅早傳飛檄  
臨姑墨仍促前鋒壓末盧拔達名王驚

聖德彈丸寧敢容邪慝已斬魁渠獻藁街並收土宇歸  
圖藉從此西陲頌永清雕題鑿齒樂昇平拓地豈徒誇  
遠畧除殘終在冀羣生小春旭日初添線紅旗露布傳  
三殿寮采欣瞻

聖武昭



皇情深荷

天心眷時值葭灰玉琯飛觚棱瑞日煥彤闈  
聖吉蠲隆

帝命袞龍拊舞頌

慈徽

祖

宗燕翼垂鴻造弓劍橋山崇祭告展冊恭昭

祖武繩明禋用祝

宗功飭鸞旂雉扇

翠華陳五色雲開

鳳詔新

惠澤涵濡沾遠近

湛恩汪濊協神人  
辨祀燔柴先嶽瀆  
金絲闕里陳牲玉  
賞錫蠲除徧戍兵  
青災肆赦周羣獄  
凱旋萬騎返龍堆  
玉輅金根

郊勞回咸喜獻俘歸  
頻璧用徵偃伯向  
靈臺策勲飲至  
論功賞龍額  
勤勞誰克尚  
列爵均分五等封  
叙功遍及  
千夫長

天書雲篆靡彤雯十丈豐碑照典墳  
焜煌軒后金人錄  
照耀周王石鼓文  
追思別部來降日  
誰知事會真難失  
擬拒維州悉怛謀  
寧招碎葉同娥設  
況當巨憝擾邊隅  
蟻衆蜂屯費掃除  
共欲退師防牧圉  
誰能決策事征誅  
我

皇恭默伸雄畧  
定剪月支清絕漠  
六師勝算在因糧  
五載成功如捲穽  
更有安邊計議全  
羽林諸校悉屯田  
羣工鑿道分疆理  
列戍開渠灌陌阡  
設圭陳臬占星緯  
定賦還區中下地  
銀印分疆置翕侯  
金戈列障增都尉  
迨

遞黃圖萬里餘千秋盛軌有誰如經營豈藉廷臣贊  
畫咸資

廟畧抒會見熙和彌宇宙黃支烏戈爭奔走萬國璇圖  
仰

睿謨重熙鼎祚承

靈佑朱草華平遍

紫宮卿雲糾縵播昭融共看化日光天下航海梯山萬  
禩同

已卯初冬入覲日近

天顏備荷

殊恩逾于常格跪辭後身離

鳳闕心繫

彤廷犬馬情殷不能自己敬賦詩二十首用誌感  
恩之切並抒依戀之誠

雪後趨

朝霽景鮮

御爐香霏散輕烟到時早見

天顏喜一別蓬萊又四年

任寄封疆卅載過未酬

知遇髮皤皤敷言欲效颺言意述職仍慚曠職多

九重屋念是江鄉蔀屋年來少蓋藏疾苦未全登奏草  
帝心早已切如傷

多年積潦憫淮徐元氣于今尚未舒四野飛鴻猶在眼  
頻諮景象近何如

忝附駕鸞隊裏行時邀顧盼仰

皇情更因步履蹒跚甚特

賜乘驄入

禁城

密勿慙非佐理才頻頻

名對霽顏開月華門畔深嚴地中使傳宣數往回

晴雲靄靄映綸扉鈴索無聲晝漏稀每到花磚過日午

早蒙

天語教先歸

大官次第出金盤

仙饌分來恥素餐更有丈魚兼玉笋常看攜帶滿歸鞍  
玉皇案吏冠清班出入長依豹尾間冰上如行明鏡裡

隨風直到小金山

錦纜方床勝小船  
平湖遙接大西天  
六橋烟景雷峯塔  
宛在離宮

御座前

誰云無路問瀛洲  
畫舫朱闌水面浮  
一點紅塵飛不到  
獨容緩步遍從遊

備荷

殊恩分已過復從天上結絲蘿

溫綸纔向雲邊下  
頓覺門楣喜氣多



蒲柳經秋已半黃得承玉葉慶方長却慚枝畔雛鶯小  
許向瓊樓侍鳳凰

冰絃久不續驚膠幾令枯桐爨下焦何幸

恩榮非意想老來琴瑟又重調

瑞日瞳眬展翠屏環階拜舞祝

慈寧爭傳

王母瑤池會竟見仙班列小星

圖來松竹盡凌空勁節虬枝氣象同並愛寒梅為寫照

一團蒼翠暮煙中

蒙賜

歲寒三益圖

御筆

豐澤園中拜別時又蒙體恤布

恩慈感深不覺頻垂淚雨露滋培寸草知

星軺轉眼逐征鴻不盡低徊向朔風迢遞春明門外路  
觚稜回首曉雲紅

四度金陵擁節幢曾無惠政洽南邦恰逢葭琯回陽候  
帶得春風過大江

三吳望

幸切尊親預許

巡行慰士民惟願時和愛歲稔衢歌聲裏共清塵

予自京回任雪後渡河瞻園主人遣使慰問寄詩  
數章殷殷懷念之誠溢于楮墨途中率和預詢近  
况並寫離思

黃流纔待渡喜接白門書節序三冬杪情懷兩月餘途  
長遲倦馬葉落拂行車遙問七旬叟幽齋可自如  
潦水全消後蒼茫落照中時看新繡隴猶憶舊飛鴻疾  
苦關心切勤宣素願同幸因波浪穩順挂一帆風  
朔雪正蕪旬冰堅擁畫輪停雲思舊雨岐路問村民恰  
值青陽轉憑添白髮新每聞使者至似見故鄉人

瞻園如舊否相望意悠哉繞石應添竹當窗可放梅吟  
幾何處展笑口幾回開好置枰盤酒探春客欲來

春日聞素子才遊瞻園賦詩不禁神往漫和二首  
咫尺林巒每繫思況逢洲景日遲遲花開金谷君先賞  
春徧江城我不知恍挹清風聞笑語偶披雅什想心期  
白頭未倦尋芳興忍負韶光最好時

憶昔倉山結伴臨幽人門掩薜蘿深不因東閣憐才意  
肯動閒雲出岫心碧水波平魚作隊疎簾翠滿竹成林  
瞻園可似隨園好即景還聽次第吟

又柬瞻園主人

池臺結構費精思，曳杖寧嫌步履遲。  
種樹年多人幾換，灌花時到雨先知。  
東山逸興懷安石，流水清音待子期。  
曲徑曾聞緣客掃，招攜同坐夕陽時。

勝地年季許暫臨，知今竹塢更幽深。  
從來無定飛鴻爪，一去難留野鶴心。  
老至何情耽水月，春回有夢到園林。  
時有看花之約幾時載筆重遊覽，好咏新詩續舊吟。

和袁子才贈徐梅蘼感舊韻

山深何處覓青蓮，柳下風清設綺筵。

聞子才招梅蘼山中小飲掃榻

閒招塵外客看花同作酒中仙  
歌聲迎上高樓月屐齒  
衝開小徑烟應惹村童齊拍手  
咲傳醉態似狂顛

袁子才見遺新笋乳酥並寄長歌戲和來韻

展讀新詩便色喜愛拜嘉羞咲不止  
老年猶有束脩行  
陸氏一莊不荒矣山厨風味比人殊  
梅子調羹信有無  
久許烹調  
至今未見竹籠盛來惟綠笋冰盤堆滿是凝酥  
案頭似  
覺香浮動應與瓊瑤並珍重因嘗野蔌  
一加餐惹得林  
泉時入夢深情答謝句難工  
西園掃徑又呼童酒食還  
邀弟子饌先生此話可為公

宋寶巖新葺寓齋顏曰竹深留客處幕中諸友贈  
畫題詩予用曹西有韻亦賦長歌

無計留春春欲暮片片落花飛老樹笑予踪跡等浮萍  
不繫舟邊頻去住去住幾番換主賓暫時相聚且相親  
寒燈共剪西窓下濁酒還傾綠水濱幕府多才罕儔匹  
儒雅風流誰第一逸興羣推愛竹人移取琅玕傍斗室  
補綴不煩穿鑿功窓開北面引清風既引清風來枕席  
並邀翠影入簾櫳垂楊添植依牆脚草木生機咸自若  
况逢妙手寫煙縑素壁分題並名作先生環顧一欣然

指說蕭齋留客便，話舊正宜明月夜。吟詩應在晚涼前，  
我有小山當戶牖。曾種修篁盈數畝，於今零落不成行。  
星移物換知何有，客聞此語盡狂呼。仰天咲倒倩人扶，  
栽花養樹實有徒。金谷梁園猶在無。

和曹西有畫松歌

忽見烟雲飛滿壁，平地何由起巖石。石邊樹老欲參天，  
黛色霜皮幾千尺。耐寒枝幹誰與俱，不似迎風柳眼舒。  
遠眺渾如峯疊翠，躋攀是否路崎嶇。低徊更望林深處，  
疑有松花落無數。那能結伴畫中遊，惜春不放春歸去。



曹西有有舉子之喜賦詩索和

燈花紅客館聞報試新雛  
看白看應喜聲清聽足娛  
尚遲湯餅會可借步兵厨  
西有正居欲咏多男句還須問老夫

漫說丁添晚繩繩慶有餘  
因看結子曰轉憶種花初  
好夢徵先兆他年讀父書  
明珠生別浦寶愛更何如

曹西有喜得麟兒子以虎頭鎖奉賀並贈嘉名  
西有賦詩言謝走筆和之

自報佳音到講堂為君喜躍倍尋常  
園抽綠笋龍初角

浦產明珠蚌有光具體纔誇量玉尺

聞初生時長一尺七寸

傳家

早望繼書香占來景福綿長甚老叟題名記莫忘

為題小字

福長

桃葉爭傳結果殊愧無妙句咏將雛新居欲效營巢燕

舊樹先添返哺鳥珮小何堪紫繡祿山輝佇看照名都

又贈名韞輝

他年好事如徵驗虎爪應留作瑞符

婁毓青新移客館用竹深留客處韻為賦長歌

相招相伴無朝暮彼此問年指老樹一椽斗室膝堪容  
但有枝棲亦暫住興至時還忘主賓交因頭白更情親

卅載光陰如彈指幾番同集大江濱精神直與松筠匹  
坦白襟懷總如一只因夏日暑難消另向西偏構新室  
不出三旬已奏功開窓徐引綠楊風西院荷香來枕席  
東隣竹影入簾櫳閒時獨步望山脚雲去雲來意自若  
簿書滿案不停披老更能詩却懶作為開生面俱欣然  
高齋每到話便便星物遷移生舊感行踪聚散說從前  
擬挿疎籬環戶牖栽花種樹分先後綠陰深處曲闌通  
咫尺山房是小有先生鼓興定歡呼眺覽無須藉杖扶  
五峯有客舊為徒明月半潭相憶無

陳光岳寓齋向無此窓近以溽暑難消特為增闢  
頓覺清風入戶涼爽宜人仍用竹深留客處韻作  
歌以贈

好景偏多在日暮淡淡斜陽留古樹與君揮麈正為吟  
無數鳴蟬聲不住傳舍何人不是賓異鄉魚鳥亦相親  
自鑿半潭澄客館時邀明月映水濱洞庭彭澤雖難匹  
須彌芥子原如一誰似胸羅萬象寬收得湖山入斗室  
幾載頻施點綴功消受湘簾一面風竹送濃陰遮几案  
梅橫瘦影照房櫳只苦苔痕侵床脚終朝佇望時暘若

不堪面壁似禪關，罅隙旁通聊改作。一時相見共欣然，  
從今坐卧俱安便。短榻應添萱草夢，飛毫移傍小窓前。  
呢喃紫燕來窺牖，涼爽更宜新雨後。隔牆咫尺即芳園，  
分得鄰光似同有。詩成復聽客歌呼，五峯已倒倩誰扶。  
愛山有癖是吾徒，可許歸還舊館無。庭有五峯移峙西園光岳惜之見于

歌詠

素子才錄消夏吟於扇頭見贈揮汗漫和

夏日方長似小年，幽棲相傍北窓眠。風流不減陶彭澤，  
可是無懷是葛天。

清流屈曲接方塘為採芙蓉露滿裳聞向陰濃橋斷處  
一椽新架小山房

柳下風來衣袂飄濠梁那得手相招結廬原與紅塵遠  
夢入清涼暑便消

新詩細詠對窓明愛煞文詞老更精紈扇搖時煩潯減  
清風覺向手中生

園門雖設為誰開水繞階除往復迴縱有漁人難問訊  
殘紅不放出山來

勞形笑我汗如漿也有隨時愛景光短髮飄蕭難却暑

空教顏色白於霜

憑欄時見火雲飛  
池上臨風暫解衣  
猶憶清談留坐久  
夜深獨唱月明歸

閒鷗原不易同羣  
物外逍遙只有君  
他日攜筇如過訪  
片時共嘯嶺頭雲

消夏吟贈幕中諸友

雨暘時若卜豐年  
溽暑何妨夜不眠  
識得光陰如客否  
人生最好是長天

垂楊面面繞方塘  
百卉爭妍似錦裳  
有客尚嫌生趣少

勸從西岸起新房

鬢添白雪任飄颻  
茁茁開時喜共招  
縱似新粧紅映水  
看花老眼霧難消

夢中猶似水淙淙  
日日神遊是攝山  
那得扶筇呼伴侶  
置身常在萬松間

無由解渴憶寒漿  
盡愛繁陰避日光  
究竟薰風披拂好  
漫教白露早為霜

園深不見軟塵飛  
散步穿林翠滿衣  
却笑呢喃新燕子  
畫簾開處一雙歸



半輪月照石頭城只把高歌唱月明盡訝年衰清興遠  
挑燈還聽讀書聲

小小湖山足覽遊心恬無事惹閒愁誰云夜坐難消暑  
萬樹蟬聲已報秋

勘災有感

關情惟葑屋無句咏湖山夢入濤聲裏舟行樹杪間黃  
流侵遠岸野水漲金灣鴻雁哀嗷甚停帆未忍還

陳光岳有詩見寄賦此答之

江上書頻至聞歌小有山每從青浦外遙望碧峯間枕

夢花三逕蓬窓水半灣寄詩勞遠憶預問幾時還

登黃茆岡

黃茆相別久扶杖又登山秋色蒼茫裏巖光隱現間風  
微松自響石碎水多灣坐到斜陽晚遲迴未肯還

湖邊送別劉如菴學使往遊攝山即還江陰

別酒纔傾罷歸途又看山欲知歌嘯處遙指翠微間馬  
踏秋風路人分碧水灣喜逢佳節近圓月送君還

和如菴學使臨行前一日不繫舟小集即事兼以  
留別韻

池上風清送晚涼，招尋把酒對秋光。  
人逢舊雨情偏遠，山帶斜陽色倍蒼。  
老圃漫嫌紅葉少，好花終愛素心香。  
時看素心蘭更深重詰當年事，福地閒雲景不忘。  
如菴前和進彌山詩  
有千年福地無人到，一片閒雲有夢通句。

又向棲霞欲逗留，看山夙願可全酬。  
連朝送客頻題句，兩地懷人易感秋。  
曲徑自隨幽澗轉，大江仍抱碧峯流。  
雲煙深處塵寰隔，拾級應登最上頭。

和劉圃三侍講秋齋讌集賦贈韻

別有幽芳愜素襟，西園不歇屢登臨。  
一簾雲淡秋光遠，

滿座風清竹影深綠柳紅橋當日夢

國三前在揚州殘  
主席安定書院

華落葉老年心挑燈更聽歌新曲流水還應是賞音

秋日自清江返棹玉峯老友送至淮關誠齋普公

招集遠香亭湖蓮正開蒹葭帶雨即席賦韻

笑指行雲似此身

用贈玉  
峯舊句

白頭話舊更情親銜杯共作

花前客繞屋爭看畫裏人

壁間多  
美人圖

喜對平湖吟暮雨勝

敲檀板唱陽春

原擬演  
劇未果

西風又送揚帆去應有蒹葭入

夢頻

疊韻

芙蓉誤認是前身每見亭亭意倍親  
幾陣香催留客酒數聲笛送盪舟人  
湖中有遊船往來湖光到眼如明鏡  
秋色環階似好春此地誰能常過訪  
清歌疊唱不嫌頻

永濟寺感懷仍柬如菴學使

禪房深處晚風涼小憩悠然愛景光  
四面峯奇迎翠藹六朝樹老足青蒼  
窓臨野岸蒹葭遠坐對平疇黍稻香  
百歲僧迎成往事停舟屢過意難忘

聊息塵機片刻留無心得句情誰酌  
東風鼓浪遲前路落日登樓感暮秋  
洞接三台依岸轉江分幾曲抱山流

拈花妙義如叅破撒手何須最上頭

滄浪亭而後感懷寄如菴學使

連朝風急北窓涼喜撥重陰透日光古榭風高聲颯颯  
遙山雲散色蒼蒼楓林欲淡秋將老籬菊雖殘晚尚香  
步向荒苔聊徙倚擬尋舊蹟半遺忘

無定萍踪任去留石城有句屢相酬登高節過還思侶  
感物情多不為秋說到年華頻指樹欲消塵俗暫臨流  
題詩寄語澄江客老友今番更白頭

與如菴暫時相晤未得接談再疊前韻寄懷兼有

遊山之約

宵來短榻最清涼怕見梁間月有光咫尺渾如秋水隔  
迷離恍似暮雲蒼雪泥踏後鴻將遠畫舫歸時酒正香  
舊雨情深偏繫戀不惟好句夢難忘

借問行旌可少留同遊有約願須酬泉流翠石千年雪  
葉落寒山萬樹秋也笑登臨原是偶那堪歲月竟如流  
挑燈短札相招日人在滄浪碧水頭

滄浪亭晚秋

一灣水碧北風涼不住閒雲掩曙光  
賴有楓林舒冷豔

惜無雁字點空蒼山因雨洗還生色菊為霜寒却減香  
何事江干常入夢棲霞幽勝最難忘

山林近處尚停留

行署名近山林

伴我無人自唱酬時對青燈

懷益友懶澆濁酒送殘秋松橫石徑全遮塔寺隔虹橋  
半枕流風景依稀猶記取漫將往事溯從頭

補亭少司馬典試浙江予適有淮徐之役相晤于

衆興集雨中把酒話舊竟日別後兩月補亭復

命北上道經吳門用學使劉如菴韻賦詩留別走筆率

和以送行舟



記得堤邊雨停舟話故山又逢黃菊日重會晚秋間遠  
岫雲千疊胥江水一灣忙中無別酒短句送君還

補亭吳門別後復于錫山道中寄詩見懷仍次來  
韻

揚帆君此去一路是湖山古寺蒼烟外丹楓遠岸間泉  
烹明月夜舟泊碧溪灣聞探惠泉之勝舊雨情偏切詩筒數往  
還

屈指行旌速應過淮上山遙知斜日裏回望暮雲間旅  
館思前會黃流認舊灣滄浪亭畔客秋盡尚遲還

滄浪亭寄懷觀補亭仍用前韻

懷友渾無計登高望遠山知歸三島後近傍五雲間夢  
想西湖路詩留浙水灣雙魚應有信報我幾時還  
行踪聊寄語一榻對秋山落葉西風裏斜陽古寺間亭  
空臨菜圃水曲似漁灣漸覺霜楓冷征鴻半已還

滄浪亭有感柬香樹

一曲寒流抱小洲荒亭散步亦優遊繞看紅葉偏經雨  
未賞黃花已過秋北去何人隨遠雁時送人還京宵來無語  
望牽牛適逢扶杖鴛湖叟笑問何時返八驕香樹見過

贈使相劉爾純

追陪猶憶舊瀛洲  
此日吳江喜共游  
折獄心平同止水  
論交氣爽似清秋  
哀庸自昔憐駑馬  
調燮還須問喘牛  
香案吏仍天際去  
楓橋河畔送行騶

再贈香樹兼以送別

老年猶記鳳麟洲  
小集空亭話舊游  
笑口難逢開半日  
交情誰似足千秋  
懷人好藉傳書雁  
念子同憐舐犢牛  
兩家兒子多在遠方  
自是歸心留不住  
可因詩債一停騶

香樹臨行和詩留別  
肫摯之情流露言表  
仍疊前

韻送之

鴛湖迥勝百花洲  
煙雨樓高足覽游  
未去先愁難作別  
再來誰料幾經秋  
呼羣空羨林間鳥  
望遠應嗟日夕牛  
俗吏行踪君識否  
風霜一路迓前騶

再送香樹

長帆去路指滄洲  
那得相從一溯游  
最愛高風能絕世  
寧誇老氣獨橫秋  
敲詩細酌舟中酒  
納稼閒看隴畔牛  
簇簇兒童迎杖屨  
門前猶記聽鳴騶

吳門決獄事竣蒙

恩頒賜鹿脯賦以誌愧

縱橫蘆荻滿前洲

峻嶒據上游待種桑田還望雨

經霜野草尚悲秋鳴岡有愧朝陽鳳縛軌難蘇喘月牛  
感荷

恩榮來萬里胥江童叟笑迎騶

初冬同劉爾鈍使相常和亭少司寇陳榕門中丞  
訪寒山法螺諸名勝漫吟二首

攜手池亭趁曉涼幾番回首感韶光只看雲影頻來去  
却笑山容亦老蒼掃徑風飄黃葉冷汲泉茗煮碧蘿香

僧房小憇留題處舊侶何人半已忘

探幽到處一勾留景物招人費應酬雅會偏宜偕舊雨  
小春轉覺勝清秋樓依翠壁穿雲起水疊層崖繞座流  
尚有琴臺遊未遍老僧指點碧峯頭

滄浪亭喜晤素子才賦詩見贈頗慰寂寥旅館挑  
燈走筆率和

行踪兩月別江城久矣稀聞唱和聲念我應嗟秋水遠  
逢君如見故山清同尋舊蹟懷蘇子又聽狂歌笑步兵  
說向西湖湖畔去斷橋夕照總關情

舟泊胥門子才從虎邱來口占再和

輕船暫出石頭城才子吳門舊有聲  
滿把新詩供我讀一時老眼為誰清  
迷津未渡慚生佛文戰常輸望救兵  
聞傍虎邱山下住真娘相近定含情

過東林寺見遠公堂下古梅初開回憶前遊已三十四年矣讀劉延清贈詩有感和韻

虎溪舊蹟憶禪師溪畔梅開第幾枝  
不為霜寒遲綠蕊寧因樹老減清姿  
重探古寺消塵慮小憇幽林慰夢思  
三笑風流何處所山僧指點月斜時

清標古幹是吾師  
寂寞空庭一兩枝  
只剩青松為舊侶  
還臨碧水照新姿  
留題難覓當年句  
冷豔仍牽別後思  
記向花前舒倦眼  
香爐雲散碧峯時

百花洲老梅初放漫賦一章仍用前韻

尋花到處問場師  
喜見爭開水上枝  
一任橫斜搖瘦影  
不同穠艷鬪芳姿  
香生客館回清夢  
雪滿西園繫遠思  
杜若洲邊春信早  
何曾虛過看梅時

百花洲和錢香樹壁間韻兼以寄懷

無邊野趣集方塘  
竹樹重重護短牆  
一水渾如瀛海濶



百花誰似老梅香山雖近市偏嫌遠鳥亦親人不避藏  
日夕空階聊徙倚微波時送晚風涼

壁上詩多碧蘚斑為尋舊蹟暫偷閒長橋卧水誰先渡  
高閣臨江我未攀每對蒼松思老友却慚綠萼照衰顏  
寒鴉陣陣衝雲去獨傍迴欄望遠山

同馮魯巖四景端二部郎百花洲晚眺

烟滿汀洲樹繞塘又看落日照西牆數枝翠柳經霜老  
幾點寒梅隔水香望遠登樓雲外轉思鄉得句袖中藏

時馮魯巖出袖中詩有  
十年離落感鄉思句

招攜更上扁舟去一棹隨風趁

夕涼

石枕寒流印綠斑心清却愛水雲閒新開巖壑曾同賞

在吳門時曾遊寒山法螺

小構蓬萊又共攀

亭有蓬萊小構舊額

歲月從來如

轉瞬風光到處足怡顏歸途正值初春好還擬扶筇看

攝山

疊前韻

四面皆環水芳名勝十洲古今多過客歲月奈如流蓬  
島遊將遍匡廬願未酬斜陽楓葉裡遠眺意悠悠

何事頻回首西曹想昔年

二十年前余與景端共事西曹

吟詩寒月夜

話舊晚江天古木誰同賞  
新花又欲然  
燕山時入夢未敢說歸田

劉延清惠遺豆粥並以東坡咏豆粥詩見示即用其韻作歌謝之

曉起窓前展卷軸忽聽敲門餽新粥  
感公厚意勉加餐一飯難忘老方叔  
江上梅開近早春調羹巨手屬何人  
渾沱流澌思往事金谷豪華未足論  
逸興從來皆偶寄何須美酒心方醉  
却慚肉食無遠謀萍蘂香中有至味  
君不見茅簷婦子傍荻蘆嗷嗷待哺多窮孤  
未能麤糲

聊充腹那得饘粥滑如酥我在百花最深處遙望旌麾  
隔岸住瓊漿拜賜復高歌歌藉扁舟遞將去

再疊豆粥韻並當驪歌

多年廊廟秉鈞軸儒生風味猶齏粥豪華奢費笑何曾  
老成謀國逾蹇叔蓬山回首憶青春轉眼都成白髮人  
愧我無能徒老矣如公事業孰比倫鴻爪東西皆偶寄  
幾番花下得同醉霏霏雨雪指前途僕僕風塵感世味  
寒汀四面繞蒿蘆樹色微茫月影孤每羨襟懷如止水  
寧甘滑膩似凝酥明年聚散知何處莫忘芳洲隔岸住

且對西山六把杯一任行雲自來去